

YMA thiltum: 1. Hunawl hman that. 2. Zofate hmasawinna ngaihtuah. 3. Kristian nun dan tha ngaihsan

Vol. 43		Issue No. 19		Ramhlun North: Ni 10 May, 2025																																																																																																	
 BRANCH THU THAR ■ Raltlan survey report: Veng chhunga raltlan survey neih a ni a, Chawngbawla Section-a Pu Rothuama te in luah chhungkaw khat an awm thu report a ni. ■ YMADAY: Kumin YMA Day chu Darlung branch nena hman ho tura rel ani. ■ Football: Ni 6.05.2025 khan kan branch Football team te leh New Serchhip, Chhekhnai branch te Chite Mini Sports Complex-ah an inkhel a, a vanduai zawkah kan tang.		YMA MEMBER ZAWN ZAWH A NI TA (YMA Member 4758; Life Member 112) Ramhlun North, the 10th May, 2025: Ramhlun North Branch YMA Executive Committee in a lo rel tawh angin kum 2025 chhung atana YMA member zawn hna chu March thla chhung khan zawh fel a ni ta. Kumina Ramhlun North branch YMA member zawnzawng chu 4758 niin Mipa - 2,375 leh hmeichhia 2,383 kan ni. Member ngah ber Vanapa Section-ah member 1024 awmin a tlem ber Neuva Section-ah member 469 an awm thung. YMA Dan Bu in a tarlan angin, ‘Mizo tupawh tleirawl/rawlthar chin chung lam chu, YMA thil tum leh din chhan te, a thu vawn te, a thu thlung leh kaihruaina te anga awm inhuam apiang te’ a tih angin member ni satliah lovin mawhphurna kan nei tih i hre thar leh ang u. Kan branch-ah hian YMA Life Member 112 lai kan awm a. Taitesena Section-ah Life Member tam berin mi 24 lai an awm a ni. YMA Life Member ni tur hian YMA member kum 5 nih hnuah dil theih a ni a, Branch Committee-ah dil hmasak a ngai a, branch hian Central YMA-ah a dilpui leh thin a ni. Life Membership fee hi Rs. 500/- a ni. YMA member zawn rual hian kan branch atanga YMA Chanchinbu la tur zawn nghal a ni a, section hrang hrang atangin member 135 ten an la dawn a ni. YMA chanchinbu lak dan hi sorkar kum chhiar dan angin April-March anga kalpui a ni. YMA chanchinbu agent tur hian Pu Lalruatsanga, Executive Committee Member a ni ang. Kumina section hrang hrang te YMA member dinhmun hetiang hi a ni. <table><tr><th>Section</th><th>Member zat</th><th>Mipa</th><th>Hmeichhia</th><th>Life Member</th><th>YMA Chanchinbu</th></tr><tr><td>Vanapa</td><td>1024</td><td>481</td><td>543</td><td>23</td><td>20</td></tr><tr><td>Chawngbawla</td><td>1009</td><td>480</td><td>529</td><td>21</td><td>20</td></tr><tr><td>Khuangchera</td><td>767</td><td>399</td><td>368</td><td>11</td><td>11</td></tr><tr><td>Saizahawla</td><td>763</td><td>385</td><td>378</td><td>13</td><td>25</td></tr><tr><td>Neuva</td><td>469</td><td>243</td><td>226</td><td>20</td><td>45</td></tr><tr><td>Taitesena</td><td>763</td><td>385</td><td>378</td><td>24</td><td>14</td></tr><tr><td>TOTAL</td><td>4758</td><td>2375</td><td>2383</td><td>112</td><td>135</td></tr></table> HSSLC Result A Chhuak Mizoram Board of School Education (MBSE)-in May ni 6, 2025 khan Higher Secondary School Leaving Certificate (HSSLC) Examination, 2025 result a tichhuak a, zirlai exam beitu 12,105 zinga 9,817 (81.10%) an pass a, nikum aiin kumin pass percentage 3.06-in a sang zawk. Distinction-ah mi 701 an pass a, first division-ah 3,250, second division-ah 3,970 leh third division-ah 1896 an pass a. Fail 2,197 leh compartmental chance nei 91 an awm bawk. Kan vengchhunga school te an titha hlawm hle a, a lawmawm takzet a ni. Hetiang hi an result a ni e. <table><tr><th>SCHOOL</th><th>Subject</th><th>Appeared</th><th>Dist.</th><th>I Div.</th><th>II Div.</th><th>III Div.</th><th>Pass %</th></tr><tr><td>Montford HSS</td><td>Arts</td><td>25</td><td>1</td><td>5</td><td>15</td><td>1</td><td>88</td></tr><tr><td>St. Stephens HSS</td><td>Arts</td><td>15</td><td>2</td><td>10</td><td>3</td><td></td><td>100</td></tr><tr><td>St. Joseph HSS</td><td>Arts</td><td>204</td><td>31</td><td>105</td><td>59</td><td>9</td><td>100</td></tr><tr><td></td><td>Science</td><td>185</td><td>30</td><td>138</td><td>16</td><td></td><td>99.45</td></tr><tr><td></td><td>Commerce</td><td>58</td><td>16</td><td>27</td><td>13</td><td>1</td><td>99.45</td></tr></table> RN YMA Executive Committee in a rel angin MARYMA kaltlangin pass kan lawm leh dawn a, CI-XII Pass tharte Pu Lalnuntluanga, Jt. Editor (Ph: 9612698781) ah Whatsapp-in tunkar chhungin in report tur a ni e. Hming, Pa/Nu Hming, Section, Subject, Division te chiang taka ziah tur a ni e.				Section	Member zat	Mipa	Hmeichhia	Life Member	YMA Chanchinbu	Vanapa	1024	481	543	23	20	Chawngbawla	1009	480	529	21	20	Khuangchera	767	399	368	11	11	Saizahawla	763	385	378	13	25	Neuva	469	243	226	20	45	Taitesena	763	385	378	24	14	TOTAL	4758	2375	2383	112	135	SCHOOL	Subject	Appeared	Dist.	I Div.	II Div.	III Div.	Pass %	Montford HSS	Arts	25	1	5	15	1	88	St. Stephens HSS	Arts	15	2	10	3		100	St. Joseph HSS	Arts	204	31	105	59	9	100		Science	185	30	138	16		99.45		Commerce	58	16	27	13	1	99.45
Section	Member zat	Mipa	Hmeichhia	Life Member	YMA Chanchinbu																																																																																																
Vanapa	1024	481	543	23	20																																																																																																
Chawngbawla	1009	480	529	21	20																																																																																																
Khuangchera	767	399	368	11	11																																																																																																
Saizahawla	763	385	378	13	25																																																																																																
Neuva	469	243	226	20	45																																																																																																
Taitesena	763	385	378	24	14																																																																																																
TOTAL	4758	2375	2383	112	135																																																																																																
SCHOOL	Subject	Appeared	Dist.	I Div.	II Div.	III Div.	Pass %																																																																																														
Montford HSS	Arts	25	1	5	15	1	88																																																																																														
St. Stephens HSS	Arts	15	2	10	3		100																																																																																														
St. Joseph HSS	Arts	204	31	105	59	9	100																																																																																														
	Science	185	30	138	16		99.45																																																																																														
	Commerce	58	16	27	13	1	99.45																																																																																														
SECTION THU THAR Saizahawla Section: Ni 8.05.2025 khan Radio-ah Quiz an record inhlawhna hmusaktu Pu Lalrozama Ralte c/m chungah lawmthu an sawi. LAWMPUINA Kan branch atanga Pawl -X leh XII pass thar zawnzawng te lawmpuina chibai ka buk che u a, in kal zelna turah duhsakna sang ber ka hlan a che u. Tin, a hlawhtling ve ta lo te pawh rilru hnual mai lova, tumruhna nen nasa leh zuala tang tha leh turin ka ngen bawka che u. -Laldinglana Sailo President, RN YMA																																																																																																					



Editorial

Result Piah Lamah

Result a han chhuah meuh chuan zirlai, zirtirtu leh nu leh pate thinlung den dan a inpawlh nuai mai. Thenkhat tan hnara hlit phawi ang mai a ni a, thenkhat tan lawmna nasa a ni laiin thenkhat te tan erawh lungngaihna a ni thung. Exam hmachhawn zawng zawng te tan- tha takin kan pass emaw, kan inbat liam hram a ni emaw, kan pal tlang ta lo a ni emaw marksheet hian kan nihna a hrilhfiah lo. Keimahni min hrilfiahtu zawk chu kan theihna te, kan tumruhna te, hlawhtlin loh pawha dingchhuak leh ngam kan nihna te hi an ni zawk.

Hlawhtling thar te kan lawmpui takzet che u. In hlawhtlinna hi in inpekna te, taimakna te leh in zirtirtu leh chhung te chhawmdawlna avang a ni ngei ang. Pawl - X pass thar te tan rilru siam uluk hun lai tak a ni, kan kalna awm kawng kan thlan thiam a ngai. Thian te subject lak ang leh mi nawlpui lak ang ringawt ni lo, chhungte min beiseina lam kawng pawh ni chuang lo, kan tuina lam, nakin hnuah pawh kan inchhir lohna lam kan thlan thiam a ngai.

Pawl -XII pass tharte pawh kan sikul kal ni chu a lo tawp ta a, mahse hringnun zir kawng a inñan dawn chauh. In nakin hun tur hi in percent-age-ah ni lovin in tuarchhelna leh in tumruhnaah a innghat tih hriat tur.

Hlawhtlinna chang ve ta lo te pawh hei hi a tawpna a ni lo tih kan hriat a ðha. Kawng bumboh laiah i kal a ni mai. Khawvela mi ropui tak tak te zingah pawh hi an pass duak duak bik hauh lo. An hlawhtlinna hi an sikul record vang ni lovin an beidawn duh loh vang a ni.

Beidawnna te, zahna te, mualphona te pawh in la tawng ngei ang, inhnehtir mai lovin min tichaktuah hman zawk ðhin tur a ni.

Zirna hi intihsiakna a ni lova, dam chhung daih thil a ni zawk. Academic piaah lamah kan nun uluk taka kan tah hriam chhoh hi hlawhtlinna tak chu a ni.

Kan zirlai te hi toppe leh fail-ah te ðhen lovin kan zirlai te hi zirlai kawng hrang hrang zir, kawng hrang hrang zawh rih a ngai ila. Tun dinhmunah kan hlawhtling lo a ni pawhin beidawng mai lova, tum ruhna nen hringnun intlansiakna hmachhawn turin ke pen zel ang aw.



KHAWTHLIR

THANGCHHUAH PA LEH PIALRAL

(Mizo Nun Hlui)

Zo hnahtlak te, Kristian kan nih hma a, mitin thlakhlelh ber mai chu "Thangchhuah pa" nih a ni, nau piang hlim pawh mipa a nih chuan "Pasalþha Tumpang sial kap tur" tiin duhsakna an hlan ðhin a, hmeichhia a nih chuan nula hmeltha se sawm man tur leh thangchhuah nu (pasalþha nupui) ni tur in duhsakna hlan in mal an sawm ðhin bawk a ni.

Mi huaisen sa kap thei râl leh sa hrang hma a zam lo khawtlang tan pawh-a thlamuan pui tham nih kha tlangval tam tak in nih an tum ber a ni thin, mi huaisen sa kap thei tak chuan khaw khat nula hmeltha an thing nalh nalh thei ðhin reng a ni. Hmanlai Mizo nunah khan tunlai ðawng tak a Socialism kan tih "*Sem sem dam dam ei bil thi thi,*" kha an nunpui nasa em em a, mi tu emaw in sial ngah viau ta se ama duh thu leh sa ei chak vâng ngawt in a talh ngawt ngai lo, sakhaw biak nan kawng kal nei takin khawtlang hrai nan a hmang zawk ðhin.

Tin, lam hnai deuh a Pasalþha in sa a kah pawh in a chhawl chhin te te a, a haw san ta vang vang a, thenawm khaw veng leh a ðhian ðha laina hnai te hnenah thu khuh tak in "Chulai khalai ah chuan sa ka hliam ve hlauh mai a, a thih ngei ka ring a ni, i va en ang u hmiang," tiin thu khuh takin a sawm ta thin a ni. Tichuan, nu nau nen hlim tak in an va chan ho ta ðhin a, sa chhawl chhinah hian nausen puak lai nen lam chanvo in ang ðhap in an insem ðhin a ni.

THANGCHHUAH DAN:

Thangchhuah dan hi chi hnih a awm a, ram lama thangchhuah leh in lama thangchhuah a ni. In lama thangchhuah ni tur chuan, a tlem ber ah sial paruk leh vawk eng emaw zat talh ngai a, chu mai bak ah zungan tam tak bilh a ngai bawk a mi thawk zo leh hausa tan lo chuan tlin chi a ni lo -

1. Sakung

2. Chawngchen

3. Dawino chhui (Hetah phei chuan vawk leh âr vawi nga vel talh a keng tel).

4. Sedawi (Sechhun an ti bawk).

5. Sekhuan (Hetah hian mitthi râwp lam a tel).

6. Khuangchawi

Heng te hi sakhaw biakna leh khawtlang tan a ruaipui buatsaih na vek an ni, sial an chhun pawhin puithiam in thiam hla a han chham phawt a, "Ka ngah vâng leh ka nunrawn sa châk vânga talh ka ni lo ve, sial tam leh zual ka neih theih nan i malsawmna ka rawn dil a ni zawk e," tiin an biak pathian hnenah a ðawngtai hmasa ðhin.

Sawi tak ângin zungan 20 - 40 tal an bilh a ngai ngei ngei ziah bawk a, chung zu bilh tur buh chu nula tlangval te'n an deng ðhin, buh dengtu nula tlangval tan zungan 5 - 7 vela theh chhuak ðhin a, "Sum deng zu," tih a ni, sa chhum nan thing an zar (thing la, thing ek, thing

phur tih na) ðhin bawk, thing êk zu a awm bawk a ni.

Hetiang hian in lama thangchhuah tur chuan khaw tlang huap ruaipui wawi 6 tal ðheh a ngai a, thil namai a ni lo, mahse hetiang a tih theih phawt chuan khawtlangin an zah leh an ngaihsan em em Thangchhuah pa a lo ni ta a, a thih hunah pawh mitthi khua a kal lovin pialral ah a ran talh tawh zawng zawng te'n ropui takin an chhawm lut mup mup mai dawn a, lo vâh hlo thlâwh leh hna hram reng reng thawh ngai tawh lovin buhfai sa ring in nuam sa tak in a a khawsa tawh dawn a ni.

Hei hi kan pipu te'n, hi Kristian kan nih hma a vanram kal theih dan kawng ni-a an hriat pakhat chu a ni.

RAM LAMA THANGCHHUAH:

Ram lama thangchhuah tur chuan pasalþha sa kap thei nih a ngai ve thung a, sa kap thei ni tur chuan thawk zo chhungkua nih a ngai leh tho mai, hman lai chuan lo nei a eizawng vek anni a, ramsa kap ringawta an khawsak chuan buh ei tur an nei lo mai dawn a, pa rual thawk zo chhungkua aþang bawk lo chuan thangchhuah na khawp sa kah a harsa em em tho a ni.

1. Sakhi

2. Sazuk

3. Savawm

4. Sanghal

5. Ramsial

....te kah a ngai a, a theih hram chuan sai, muvanlai, rulngan, vahluk kah tel ngei ngei an tum ðhin, hmanlai chuan sa a la tam bawk a, kan sawi tak sa te khi kah an harsa lutuk lo mai thei a ni, khi tiang kap kim chiah tur khi chuan sa dang tam tak an kap tel ngei ang tih pawh a rinawm hle a, a hautak na ber zawk chu, thangchhuah nan a pawimawh bik ho khi chu "Âih" a ngai zel hi a ni, a âih nan hian sial emaw vawk emaw talh a khaw lang tana ruai ðheh leh zu tam tawk bilh a rik luih luih a ngai tho mai, a âih loh chuan a sa kah te hi an "nem" dawn lo va, pialral ah a chhawm thei dawn lo a ni.

Thangchhuah nan ni kher lo savawm leh sakei kap pawh in an Âi ðhin tih hria ila.

Tichuan, thangchhuah pa a lo ni ta a, pialral kal kawng ah a sa kah zawng zawng te'n an chhawm ta bur bur mai a, sazuk kî ah rulngan a in vet chuat mai a, chung lam a nisa hliah turin Vahluk a thlawk duai duai bawk a, a sa kah dang te'n an zui duah duah mai a, ropui tak in pialral ah an chhawm lut ta ani. Thangchhuah nu leh pa reng reng te chu, khawtlang ah mi zah kai leh ngaihsan an ni a, Lal meuh pawh in a pal zut mai mai ngai lo.

Tunlai a kan mi hausa te pawh hian, kan pi pu te hunlai ang in khawtlang hrai leh an thil neih te mipui tan a ðangkai tur ah tun ai a nasa hian in hmang ðhin ta se, pi pu te ro thil ðha kan chhawm nung zel a ni dawn a ni.

MARYMA	PHEK 3-NA	RN YMA CHANCHINBU
 DAMLO ■ Dr. C. Lalremruatfela, C-Sec. Leader chu hritlang khawsik avangin in lamah enkawl mek a ni. ■ Pu Lalthanzama, K-Sec. fate te Lalrinfela leh Lalmalsawmi te unau chu an chetsual avangin in lamah enkawl mek an ni. ■ Rev. C. Biakmawia, T-Sec. chu Synod Hospital, Durtlangah enkawl mek a ni ■ Lalmuanpuii Hmar d/o H. Vanlalhruaia, N-Sec. chu Synod Hospital, Durtlangah a mit (eye) zai a ni. ■ Pi Lalngaizuali w/o Tuikhuahthanga, N-Sec. chu in lama inenkawl chhunzawm turin damdawi in atangin a lo chhuak. ■ Pi Hlunchhungi w/o Lalthazaula S-Sec. Synod Hospital Durtlangah enkawl mek a ni. ■ Pi Thangtuali w/o R. Thangmawia (L), V-Sec. chu a ziaawm hlei theih loh avangin Synod Hospital, Durtlangah dah luh leh a ni. ■ Pu Zodinglana, K-Sec. chu LRM Hospital, ICU-ah enkawl mek a ni. ■ Pu Thangboi Leivon, N-Sec. chu Aizawl Civil Hospital-ah sawn a ni. ■ Pu Vanrotluanga, C-Sec. chu wawiin hian Greenwood Hospital-ah a pile zai a ni. LAWMPUINA LEH DUHSAKNA Mizoram Board of School Education in Pawl 10 leh 12 result a tih chhuah a, kan bial Aizawl North II huam chhung a zirlai Pawl 10 leh 12 Exam beitu hlawhtlinna chang zawng zawng te ka lawmpui che u a, in kal zelnaturah duhsakna ka hlan a che u. Chutih mek laiin hlawhtling zo ta lo te in awm hi pawl ka tiin ka tawrhpu tak zet che u a, beidawnna khura min hruiatu ni lova tumruhna leh kawng thar tha zawk min hawn saktu, rilru thar min put tir tu a nih ngei theih na turin duhsakna ka hlan baw k a che u. Zirlaite tana thahnemngai tak a tha leh zung, rilru leh ngaihtuah seng a inpe em em zirtirtu zawng zawng te chungah pawh lawmthu ka sawi baw k a, zirna kawnga ramin hma a sawn zel theih nan a tan la zel turin zirtirtu zawng zawng te ka chah nghal baw k a che u. Dr.Vanlalhlana MLA, Aizawl North II	 ZIN & HAW ■ Pu Lalremsanga Hnamte, C-Sec. Asst. Leader chhiat tawhna thila Serchhipa zin chu a lo haw leh ta. ■ NI. Lalmuanpuii. Varte d/o Vanlalfaka, N-Sec. chu hna thilah Guwahati-ah a zin. ■ NI. Lallawmzuali Ralte, ECM chu dam lo hruiin Kolkata-ah a zin. ■ Pu R. Rohminglana, Thorang bialtu MLA chu hna thilah Mizoram chhim lamah a zin. ■ Tv. Joseph Lalruatsanga, Mary VL. Khawngaihsangi leh Vanlalenkawli C. Laltlansanga, V-Sec. fate chu an zirna hmun New Delhi atangin chawlh hmangin an lo haw. ■ Pu VL. Pianruala, ECM chu a hna thawhna hmun Khanpui atangin a lo haw. ■ NI. Lalremsangi Ralte, S-Sec. c/m chu hna thil avangin Champhaiah a zin. ■ NI. Lalrinkimi d/o Lalhriatpuia, V-Sec. chu Convocation hman turin Agartala-ah a zin. ■ Pi Remsangpuii, T-Sec. chu a hna thawhna hmun Champhai atangin a lo haw. ■ Tv. Malsawmtluanga s/o Larry Chunglura (L), N-Sec. thil pawimawh buaipuia Lungleia zin chu a lo haw leh ta.  KOHHRAN ■ The Salvation Army: Naktuk ni 11.05.2025 hian Mother’s Day an hman dawn.  LAWMAWM ■ Lalremsiama Khiangte, K-Sec. leh Dr. H. Lalremruati, K-Sec. te chu ni 8.05.2025 khan Ramhlun East Presbyterian Kohhran Biak Inah an innei. ■ Dr. Henry Vanlalnghilhlova Zote, V-Sec. leh Amy Lalawmpuii, Chanmari te chu ni 09.05.2025 khan Ramhlun North Presbyterian Kohhran Biak Inah an innei. An inneih tawiaawmtu zawng zawng te chungah kan President hlui Pu Tlangtimawia Zote te chhung chuan lawmthu an sawi. ■ Rebecca Lalramthari d/o Samuel Lallawmawma, S-Sec. chu North East Rising Cup 2025 Under - 15 Girls May ni 13 - 20 chhunga khelh turah Mizoram aiawh tura thlan a ni. ■ Lt. Laltlansai d/o Vanlalpeka Ralte, V-Sec. chu Salvation Army Officer turin a tling thar a, Pangin, Arunachal Pradesh-ah a awm ang. LEI THA Bawng ek lei tha up hlum sa engmah pawlh loh lei tur kan nei reng e. (Ramhlun N Thlanmual hlui hnuaiah kan awm a, Vengchhungah bag 4 chin a thlawnin kan deliver thei e) Ph: 9863680977	 KEIMAHNI ■ Kan Agent pass thar zawng zawng te MARYMA Editorial Board chuan kan lawmpui che u a, in kal zelnaturah duhsakna kan hlan a che u. ■ May thla chawhnu lam hian vengchhunga zirlai hlawhtlingte puala pass lawmna hun hman leh tura hmalak mek a ni a, zirlai hlawhtling zawng zawng ten lawmpuina kan dawn vek theihna turin felfai takin in report vek turin kan inngen e. ■ Dr. Vanlalhlana, kan bialtu MLA chuan MARYMA te kan thingpui inna tur minrawn pe taw k mai. Kan lawm dan hi sawiin a siak lo. ■ Pu C. Laltlansanga, Principal, St. Joseph HSS chuan pass lawm nan MARYMA te tangka fai minrawn pe hnur mai. Nachang hria kan va ti em!! Editorial Board ten lawmthu kan sawi tak meuh meuh a ni.  LOCAL COUNCIL ■ CHHUNG TINTEN HENAN NGENNA Ramhlun North Local Council leh All NGO meeting chuan vengchhunga duty turin Security rawih nise ti a a rel angin May 1, 2025 atangin Security pali (4) an duty tan a, an hlawh tur hi Bialtu MLA hnen atangin engemaw zat dawn a ni a, hemiin a daih bak chu vengchhung in tinah Rs 200 aia tlem lo khawn nise tiin a rel a, Local Council Member leh All NGO hruiatuten anrawn khawn dawn a, vengchhung kan him tlanna tur anitih hria a chhungtin ten thahnemngai taka sum lo thawh turin kan inngen in kan in beisei a, tlem a awm thei deuh ten midang inkepna rilru pu chunga kan thawh theih chuan a lawmawm hle ang. Basketball: ICFAI University Under-23 Inter LC Basketball Tournament-a kan veng aiawha khel turte. Players: 1. B. Lalhminglana - T-Sec. (Captain) 2. Laldusaka - T-Sec. 3. Lalvenpuia - T-Sec. 4. Vanlalnunpuia Hauzel - T-Sec. 5. Vanlalruata Sailo - T-Sec. 6. Lalsangzuala - C-Sec. 7. RD Vanlalhmangaiha - C-Sec. 8. Vanlalnunpuia - C-Sec. 9. Lalngaihawma Ralte - C-Sec. 10. Lalrindika - N-Sec. 11. Lalroela Ralte - N-Sec. 12. Lalmuanawma - V-Sec. 13. Lalruatkima Hlondo - V-Sec. 14. R. Lalremruata - S-Sec. Coach: Michael F. Lalawmpuia, N-Sec. Asst. Coach: Samuel Ramdintluanga, S-Sec. Manager: Albert Lalrintluanga, T-Sec. Ni 12.05.2025 Chawhma dar 10:00-ah Hawla Indoor Stadium-ah an inkhel dawn a ni. Vengchhung mipui te a hmuna tawiaawm turin kan inngen e. Tin, team te tana thilpek petu zawng zawng te chungah lawmthu kan sawi baw k e.

MARYMA		PHEK 4-NA		RN YMA CHANCHINBU	
ARTICLE		SURVIVAL INSTINCTS		ADVERTISEMENT	
- Er. Chhungpuia					
Awle, Survival awmzia chu eng ang harsatna karah pawh dam khawchhuah theihna inthlahchhawn zel theihna hi a ni. Instincts chu rilru pian ken, inzirtir ngai lova pianpui finna hi a ni tiin kan thupui han kick off phawt teh ang aw!				KC TUI (10-1)	
Tichuan, Survival instincts chu harsatna karah pawh kan dam khawchhuah theihna tur leh kan inthlahchhawn zel theih nana Pathianin pianpui finna min pek hi a ni. Pathian remruat hi a fing khawp a, thil nung tinreng te hi survival Instincts tha tak min pe vek a. Tuma zirtir lohva sava ten bu an chhep thiam te leh ran piang hlim ten hnute an hne nghal ringawt te pawh hi a mak zawng a thlir duh tan chuan mak tak a ni ngei mai.				Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462	
A bikin Pathian thil siam zinga ropui ber mihring te hian hma kan sawn chak hle mai. Harsatna hrang hrang rawn piang zel mahse, dam khaw chhuahna atan inkaihhruaina dan te, policy thar te kan ngaihtuah chhuak zel a. Medical lamah nise nasa takin hma kan sawn a, tun hma a an thihpui ngei ngei ang te pawh tunah chuan kan thihpui ta lo. Hripui hlauhawm tak tak COVID 19 pawhin khawvel nunphung nasa takin han tibuai in, harsatna namen lo tawk mek mah ila, dam khawchhuak thei turin invenna kan nei thei leh zel te hi a ropui han tih loh rual a ni lo.				SP TUI (4-4)	
Information technology lamah pawh hma kan sawn zel a, Digital Age a cheng keini nunphung leh min thlahtu hma khawsanga kan pi leh pu te nunphung danglam zia te hi sawiin a siak lova, sawi lohva siak hial tham a ni zawk! Hman a mi te hriat loh hmanraw changkang tak tak kan hmang a, keini zawng kan chan bik hi kan vannei hle tih hla phur taka sak nilen tham a tling hial mai!				Tui hna thianghlim, ei leh in tlak, litre 2000 pickup trip kan pe thei e. Mobile: 9615789047/8730960917	
Survival instincts thlirna tang erawh chuan chuan harsatna hrang hrang kara dam khaw chhuak tur leh inthlahpun zel duhna erawh a danglam chuang hauh lo mai. Kan harsatna te, kan mamawh leh kan hmarua te a dang a ni mai zawk. Kan pi pu te kha an lo fing hle mai, chuan kan tluk lohna atam hle. Dam khawchhuah nan Tanrual hi a pawimawh tih an hria a, khawtlang an tangrual a, aia upa an zah thiam a, tlawmngaihna an ngai pawimawh hle bawk. Heng te hi waviin thlengin a YMA em em a, a Kristian em em bawk a, chhawm nun zel hi kan tih mak mawh a ni.				SEPTIC TANK KHAT & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140530 (5-1)	
Mihring te hi mahni chauh a dam khawchhuak thei kan ni loh avangin hian mimal chauh ni lo, a huho (family) a dam khawchhuah hi survival basic instincts a tum ber a ni. Chhungkaw tan Puitling te nitin an feh chhuak a, naupang te pawh an tih theih tawk engemaw tal an tih ve a tul thin. Khawvela nunna nei tawh phawt chuan keimahni survival instincts atan kan hun pumpui kan hmang ral thin. A bik takin mihring te hi a huhova khawsa chi leh in mamawh tawn vek kan nih avangin kan chenpui chhungkua leh khawtlang thatna ngaihtuah hi survival instincts tum pawimawh ber a ni. A huhova kan chetna:- kohhran leh pawl hrang hrangah pawh mi tih a khek mai lovin mahni ngei i chhuak theuh ang u.				JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a felfai a, service hlun leh rintlak kan ni e. Rate inbiak remna. Registration: MRS 542 (5-4) Contact: 9862476439 / 9436199884	
Mahni tana thahnem ngai taka thawh a tul viau lai hian "Kan mihring pui te vang chauha kei pawh kan nung ve kan ni" tih erawh kan hriat a pawimawh hle. Kan chenpui, thenawm khawveng te an hlim a an thlamuan chuan khawtlang a nuam a, keini pawh kan hlim a, kan thla a muang ve thin chauh a lo ni. Midangte an hlim loh chuan mahni chauhin a hlim theih bik loh a, midangte thlamuantu leh tihlimtu nun chu a hlim nge nge thin. Kan dam khawchhuah theihna tura taima taka thil tih hi Pathian duhzawng ani a, Midang dam khawchhuah theihna tichhe zawnga thil tih erawh Pathian huat zawng tak a ni thung. Mahni dam khawchhuahna chauh ngaihtuah lova Kan chhia leh tha hriatna kan hman thiam a tul tak zet.				ST. STEPHEN'S SCHOOL RAMHLUN 'N, AIZAWL ADMISSIONS :CI-XI (Arts & Sc) *Zirtirtu tha enkawlina, Hmathlir & Nunphung zirtirna	
Nitina kan hun neih te hi keimahni tan leh midang tana tangkai thei ang bera hmang tura sem zai thiam hi a tul thin. Khawtlang leh mimal tana a tul huna hun pe thin te hi mi tlawmngai, bengvar leh taima an ni fo. Eng mi pawh ni ila, kan phur zawng leh ngaih pawimawhna aia a tulna avang zawka keimahni tan mai bakah midang tana hun semzai thiam hi kan dam khawchhuah theihna atan a pawimawh ber te zing ami a ni. Mimal leh khawtlang ten hmasawwna thar kan hmuh theih nan Pathianin min pek kan chhia leh tha hriatna hlu tak hi hmasawwnathil thar hmuh ngei nan hmang theuh thei ila a duhawm hle mai. Kan dam khawchhuah theih nana pawimawh tak kan zirna, kan hnathawh leh eizawwna kawngah hlawhtlinna hmu ngei turin mimal tinin theihtawp chhuah ila, khawtlang hmasawwna thlentu ni thei theuh ila a va duhawm em!				BOARD :HSS(Arts) -100% Passed (2017 to 2025) RESULTS HSS(Science) -95% Passed in 2025 HSLC -91% Passed 2025 Contact : 9774632726/9436353625	
Khawvelah hian a chak leh huaisen ber ber te aiin mahni hun tawn mek nena insiam rem thei apiang an dam khawchhuak thei zawk si a. Chhia leh tha hriatna min petu Pathian duh zawnga awm leh kan awmna hmun apianga kan chunga thuneituten inkaihhruaina an siam te thu awih taka zawm mai hi survival instincts tum ber damreina leh malsawwna a ni. Rinawmna leh thahnemngaihna nen Pathianin chhia leh tha hriatna (instincts) ropui tak min pek hi dam khawchhuah (survive) nan hmang thiam ila, mimal chhungkua leh rampumah hmasawwna leh hlawhtlinna ropui tak min thlen ngei ang.				PUBLIC HIGHER SECONDARY SCHOOL RAMHLUN VENGLAI : AIZAWL ADMISSION FOR CLASS-XI (ARTS) Open from 29th April. Time 10:00 a.m – 2:00 pm QUALITY CLASSES FOR STUDENTS OUR FEATURES Subject offered : Political Science, History, Economics, Education, Geography Contact : 9862598857/ 9436782551 8014529834	
				ZO OPTICAL Ramhlun North (Industry peng Traffic Point bul) Pi C. Lalrinsangi Building May-June thla chhung 20% thleng discount a awm dawn a, MUP member leh Vohbik te tan 20% + 5% discount a awm mek bawk e. B.Sc, M.Sc Optometry zir chhuak thiam takin an thutchilh reng bawk a, a thlawnin mit a check tir theih reng bawk e. Contact : Ph-8414007366	
				ROSEBUD SCHOOL: Ramhlun Venglai Rosebud School, Ramhlun Venglai chuan kumin atang hian Higher Secondary, Class XI (Arts) kan hawng dawn ta a. Arts subject-a tan a ni anga, heng subject te hi thlan theih a ni ang; History/Economics/Political Science/Geography/Education/ Psychology. Admission hi May ni 1, 2025 (Ningani) atanga hawn a ni ang. Hrechiang duhte tan a hnuaia number-ah te hian zawhfiah theih a ni e. 9436151251 / 7005722540 / 8014158963	
Published & edited by Eddie Lalfakzuala for and on behalf of Ramhlun North Branch YMA. Copies- 1,270					